

შპს „სოფმარ 2020“

ს/კ 415107379

ქ.ფოთი,თავისუფალი ინდ.ზონა,  
(ნავსადგურის ყოფილი ექსტენსიური  
განვითარების ზონა)  
შიდა № 1-7G/007

№ 7/2020

19.10.2020წ.

გარემოს დაცვისა და სოფლის მეურნეობის  
მინისტრის მოადგილეს ქ-ნ ნინო თანდილაშვილს

ქალბატონო ნინო,

თვენს მიერ გამოგზავნილ N 9570/01 08/10/2020 წერილში თქვენ სწორად აღნიშნავთ, რომ „სკრინინგის განცხადების თანახმად ობიექტის ექსპლუატაციის ეტაპზე, ნაყარი ტვიტის დატვირთვა-გადმოტვირთვის, დახარისხება/არევის ტექნოლოგიური ეტაპებისა და ნაყარის სახით შენახვის დროს, ატმოსფერულ ჰაერში მოსალოდნელია მხოლოდ მტვრის არაორგანიზებული გაფრქვევა“. ამ ციტატის შემდეგ მოყვანილი ფრაზა: „თუმცა არ არის დახასიათებული ობიექტიდან გაფრქვეული სხვა მავნე ნივთიერების შემადგენლობა, რომელთა გაფრქვევასაც, ასევე, შესაძლოა ადგილი ქონდეს სპილენძის, თუთიის და ძვირფასი ლითონების კონცენტრატებთან დაკავშირებული ოპერაციების განხორციელებისას“ არის უსაფუძვლო, რადგანაც ფიზიკურად შეუძლებელია ასეთი „მავნე ნივთიერებების არსებობა“ იმიტომ რომ ყველა ქიმიური ელემენტი რომელიც შეადგენს ნივთიერებას-კონცენტრატს მოყვანილია ცხრილის სახით თქვენთვის 21 სექტემბერს გადმოგზავნილ განმარტებით წერილში და ამ ელემენტებისგან შემდგარი ნივთიერების გარდა სხვა ნივთიერებასთან ჩვენ არ ვაპირებთ მუშაობას. ამ წერილში ასევე არის მოყვანილი არევის პროცესის განმარტებაც.

გარემოსდაცვითი წიფასების კოდექსის მე-7 მუხლის მე-4 პუნქტის თანახმად, საქმიანობის განმახორციელებლის მიერ სამინისტროსთვის წარდგენილი სკრინინგის განცხადება, საქართველოს ზოგადი ადმინისტრაციული კოდექსის 78-ე მუხლით გათვალისწინებული ინფორმაციის გარდა, უნდა მოიცავდეს: ა) მოკლე ინფორმაციას დაგეგმილი საქმიანობის შესახებ; ბ) ინფორმაციას დაგეგმილი საქმიანობის მახასიათებლების, განხორციელების ადგილისა და შესაძლო ზემოქმედების ხასიათის შესახებ. შესაბამისად, მიგვაჩნია, რომ მოთხოვნილი შენიშვნების ნაწილი: „არ არის წარმოდგენილი ტექნოლოგიური ოპერაციების ... დეტალური დახასიათება და შესაბამისად, არ არის შეფასებული აღნიშნული ოპერაციებიდან გაფრქვეული მავნე ნივთიერებების რაოდენობა. ამასთან, არ არის წარმოდგენილი ექსპლუატაციის შედეგად, ატმოსფერულ ჰაერში მავნე ნივთიერებათა მიწისპირა კონცენტრაციები და სათანადოდ არ არის შეფასებული ატმოსფერულ ჰაერში მავნე ნივთიერებათა ემისიები“ სამართლებრივად აღემატება სკრინინგის ეტაპზე არსებულ მოთხოვნებს.

რაც შეეხება შემოტანილი ტვირტის დანამვას. მოგახსენებთ, რომ კონცენტრატის ბუნებრივი ტენიანობის ცვლილება არ უნდა ცდებოდეს ტვირტის მფლობელების მიერ განსაზღვრულ ფარგლებს, რადგანაც ტვირტის გადაზიდვის დროს წონის 1%-თ ცვლილებაც ახდენს ტვირტის გადაზიდვის ფასზე გავლენას.



